



Broj: 05/7-39-1-155-55/19

Sarajevo, 6. 11. 2019.

Z A P I S N I K

55. sjednice Vijeća nacionalnih manjina BiH, održane 6. 11. 2019.

Sjednica Vijeća nacionalnih manjina BiH počela je u 17 sati

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Vjeročka Gajić, Nedžad Jusić, Hakan Varan, Eva Pašić-Juhas, Mladen Radmilović i Halil Bicaj.

Sjednici nisu prisustvovali: Tijana Vučurević, Marija Grbić i Jakob Finci.

Sjednici su, također, prisustvovali: Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima, Aida Kreho, sekretarka, Anđelka Dobrilović-Rajak, stručna saradnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno** su usvojili sljedeći

D N E V N I R E D

1. Usvajanje Zapisnika 54. sjednice Vijeća nacionalnih manjina BiH;
2. Imenovanje članova Vijeća nacionalnih manjina BiH u Koordinacioni odbor nacionalnih manjina;
3. Aktivnosti za donošenje Zakona o vijećima nacionalnih manjina u BiH (predlagač: Nedžad Jusić);

4. Tekuća pitanja:

- a) Dogovor u vezi sa službenom posjetom Republici Italiji.

Ad. 1. Usvajanje Zapisnika 54. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali Jovanka Manzalović Šalaka i Tihomir Knežiček.

Članovi Vijeća **jednoglasno su** usvojili Zapisnik 54. sjednice Vijeća nacionalnih manjina BiH, s prijedlogom da se u Zapisniku izvrši korekcija teksta u tački Ad. 5. Razno, te da se umjesto riječi „odluka“ napiše riječ „dogovor“.

Ad. 2. Imenovanje članova Vijeća nacionalnih manjina BiH u Koordinacioni odbor nacionalnih manjina

Predsjedavajući Vijeća nacionalnih manjina BiH Andrija Svatok otvorio je raspravu ovoj tački dnevnog reda. U raspravi su učestvovali: Andrija Svatok, Todorka Jovanović, Nedžad Jusić i Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima.

Vijeće nacionalnih manjina BiH je, **jednoglasno**, za članove **Koordinacionog odbora nacionalnih manjina, projekat „Horizontal Facility“, koji provodi Vijeće Evrope u BiH imenovalo:**

1. **Andriju Svatoka**, predsjedavajućeg Vijeća nacionalnih manjina BiH
2. **Silviju Vujović**, članicu Vijeća nacionalnih manjina BiH
3. **Dragana Markovića**, člana Vijeća nacionalnih manjina BiH.

Za zamjenske članove Koordinacionog odbora, uime Vijeća nacionalnih manjina BiH, imenovani su:

1. **Jovanka Manzalović Šalaka**, članica Vijeća nacionalnih manjina BiH
2. **Nedžad Jusić**, član Vijeća nacionalnih manjina BiH.

**Ad. 3. Aktivnosti za donošenje Zakona o vijećima nacionalnih manjina u BiH
(predlagač: Nedžad Jusić)**

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Andrija Svatok, Velibor Kuvač i Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima.

Članovi Vijeća **članovi Vijeća su, s 11 glasova „za“, 3 glasa „protiv“ i jednim glasom „suzdržan“**, usvojili Inicijativu za formiranje interesorne radne grupe za izradu Zakona o vijećima nacionalnih manjina u BiH, na svim nivoima vlasti u Bosni i Hercegovini. Cilj inicijative je bolje definiranje statusa tijela poput vijeća nacionalnih manjina, nadležnosti i ovlaštenja, načina rada i organizacije, te uslova koje članovi tih tijela moraju ispunjavati da bi bili izabrani u članstvo, kao i njihovih prava i obaveza.

Formiranje interesorne radne grupe za potrebe izrade Prijedloga zakona neophodno je radi sveobuhvatnog i stručnog okončanja izrade Prijedloga zakona, te Vijeće nacionalnih manjina BiH predlaže da u njenom sastavu budu članovi Parlamentarne skupštine BiH, odnosno članovi stalnih tijela Parlamentarne skupštine BiH, poput ustavnopravnih komisija, Zajedničke komisije za ljudska prava, Vijeća nacionalnih manjina BiH, kao i predstavnici Vijeća ministara BiH, konkretnije Ministarstva za ljudska prava i izbjeglice BiH.

Ad. 4. Tekuća pitanja

- Dogovor u vezi sa službenom posjetom Republici Italiji.

U okviru tekućih pitanja u raspravi su učestvovali: Andrija Svatok, Nedžad Jusić, Silvija Vujović, Tihomir Knežiček, Dejan Piotrovski, Dragan Marković, Jovanka Manzalović Šalaka i Aida Kreho, sekretarka Zajedničke komisije za ljudska prava.

- a) Članovi Vijeća nacionalnih manjina BiH primili su k znanju informaciju u vezi sa službenom posjetom Institutu za nacionalne manjine u Balzanu, Republika Italija, te predložili da se prilikom navedene posjete razgovara o temama vezanim za upotrebu manjinskih jezika i zakonskim rješenjima.
- b) Vijeće nacionalnih manjina BiH postiglo je dogovor da se obrati Kolegiju Sekretarijata i Sektoru za odnose s javnošću s molbom da se na sjednicama Vijeća nacionalnih manjina BiH, bez obzira na termin njihovog održavanja, osigura prisustvo službenika iz Sektora za odnose s javnošću zbog praćenja sjednice i redovnog i pravovremenog izvještavanja javnosti o tačkama o kojima se raspravlja na sjednicama ovog parlamentarnog tijela.

- c) Vijeće nacionalnih manjina BiH je, na prijedlog Tihomira Knežičeka, raspravljalo i o terminu održavanja sjednica Vijeća, odnosno sugestiji da se on promijeni termin.
- d) Članovi Vijeća nacionalnih manjina BiH odlučili su da se, nakon dopisa upućenog sarajevskoj Općini Centar s 54. sjednice povodom informacije o izvršenju naloga Inspektorata Općine Centar za rušenje kuće u naselju Gorica, Općina Centar, Sarajevo, u vlasništvu gđe Ramize Fejzagić, uputi dodatna urgenciju za dostavu informacija traženih u dopisu.

Sjednica Vijeća nacionalnih manjina BiH završena je u 17.55 sati.

Sastavni dio Zapisnika je tonski snimak 55. sjednice Vijeća nacionalnih manjina BiH.

Stručna saradnica

Andelka Dobrilović-Rajak

Predsjedavajući

Vijeća nacionalnih manjina BiH

Andrija Svatok